

Arkivnr: 2019/15914-1
Saksbehandlar: Sigrid H Aardal

Saksframlegg

Saksgang	Saknr.	Møtedato
Utval		
Fylkesvalstyre for Vestland		30.08.2019

Fylkestingsvalet 2019 - Oppnemning av arbeidsutval til kontrollteljing og fullmakter.**Samandrag**

Etter forskrift av 02.05.2018 om gjennomføring av val til fylkestinget i 2019 har fellesnemnda for Vestland fylkeskommune i sak vald fylkesvalstyret for fylkestingsvalet 2019. Fylkesvalstyret består av fellesnemnda sine medlemmer. Talet på medlemmer i fylkesvalstyret er 24. Det vil kunna vera vanskeleg å få samla eit slikt stort tal medlemer dersom det skulle vera naudsynt ved kontrollteljinga som skal gjennomførast.

Etter vallova skal fylkesvalstyret kontrollera gjennomføringa av fylkestingsvalet og m.a. kontrolltelja røystesetlane frå alle kommunane i det nye fylket. For at ikkje arbeidsmengda skal bli for stor for fylkesvalstyret, blir det i saka føreslått å nemna opp arbeidsutval som kan stå for kontrollen som blir fordelt over fleire dagar og i nært samarbeid med Bergen kommune.

Forslag til medlemer til arbeidsutvala er sette opp. Dersom det er naudsynt for nokon å endre på den dagen ein er foreslått sett opp må ei eventuell endring ordnast mellom medlemene og partigruppene. Eventuelle endringar må vera klare før handsaming av saka i møte.

Tilbakemelding om endringar må meldast til Anita Fjellheim, fylkessekretariatet (tlf. 55 23 90 15 eller e-post: folkevalde@hfk.no) innan tysdag 27. august.

Forslag til vedtak

- Arbeidsutvala får fullmakt til å førebu fylkesvalstyret sin kontroll med gjennomføringa av fylkestingsvalet 2019 og i samband med det ta avgjerd i enkeltsaker og type av saker som ikkje er av prinsipiell rekkevidde.
- Fylkesvalstyret nemner opp følgjande arbeidsutval i samband med kontroll av gjennomføringa av fylkestingsvalet 2019:
 - Arbeidsutval onsdag 11.09.2019
 - Roald Kvamme (A)
 - Bente Bondhus (SP)
 - Pål Kårbø (Krf)
 - Bjørn Erik Hollevik (H)
 - Roald Stenseide (Frp)

- b) Arbeidsutval torsdag 12.09.2019
 - 1. Kari Sørensen Bernardini (A)
 - 2. Synnøve Solbakken (A)
 - 3. Sigurd Erlend Reksnes (SP)
 - 4. Nils Marton Aadland (H)
 - 5. Tom Sverre Tomren (Krf)

 - c) Arbeidsutval fredag 13.09.2019
 - 1. Helge Nævdal (A)
 - 2. Åshild Kjelsnes (A)
 - 3. Aud Karin Oen (SV)
 - 4. Mona Røsvik Strømme (H)
 - 5. Anne Beth Njærheim (V)
3. Fylkesrådmannen får mynde til å ta avgjerer ved prøving av røystesetlar i alle saker som er kurante. Fylkesrådmannen kan delegere mynde vidare.

Rune Haugsdal
prosjektleder

Bertil Søfteland
leder fylkessekretariatet

Saksframlegget er godkjent elektronisk og har derfor inga underskrift.

Prosjektleder, 20.08.2019

Valdagen er 9. september. Etter vallova § 10-9 skal fylkesvalstyret kontrollere gjennomføringa av fylkestingsvalet på grunnlag av det materialet som blir sendt over frå kommunane. Dersom fylkesvalstyret finn feil ved valstyra sine avgjerder om å godkjenne eller vraka røystegjevingar eller røystesettlar, eller feil med opteljinga, skal feila rettast.

Kommunelova § 10 nr.4 (ny komml. § 5-1,e) opnar opp for at det kan opprettast arbeidsutval som kan få tildelt avgjerdsmynde.

Noverande komml. lyd:

«Utvalget kan gi lederen eller et arbeidsutvalg myndighet til å treffe vedtak i enkeltsaker eller i typer av saker som ikke er av prinsipiell betydning, viss ikke kommunestyret eller fylkestinget har bestemt noe annet».

Ny komml.(ikraft frå valdagen):

«Utvalget kan gi lederen eller arbeidsutvalget myndighet til å treffe vedtak i saker som ikke har prinsipiell betydning, hvis ikke kommunestyret eller fylkestinget selv har bestemt noe annet. Kommunedsutvalg kan i tillegg gi lederen av administrasjonen i kommunedelen tilsvarende myndighet.»

Kommunelova § 23. nr.4 (ny komml. § 13-1) opnar opp for at prosjektleder kan få tildelt avgjerdsmynde slik:

«Kommunalt og fylkeskommunalt folkevalgt organ kan gi administrasjonssjefen myndighet til å treffe vedtak i enkeltsaker eller typer av saker som ikke er av prinsipiell betydning, hvis ikke kommunestyret eller fylkestinget har bestemt noe annet.»

Ny komml.(ikraft frå valdagen):

«Et folkevalgt organ kan gi kommunedirektøren myndighet til å treffe vedtak i saker som ikke har prinsipiell betydning, hvis ikke kommunestyret eller fylkestinget selv har bestemt noe annet.»

Valdirektoratet har i samband i brev gjeve tilbakemelding om korleis fylkesvalstyret sine oppgåver skal ivaretakast når det gjeld samanslåing av fleire fylkeskommunar. Deira svar baserer seg på uttale frå kommunal- og beredskapsdepartementet om dette. Der går det fram at fylkesvalstyret skal ha tilsyn med kontrollteljinga som vert gjort.

For at fylkesvalstyret sine oppgåver etter vallova skal ivaretakast finn ein det føremålstenleg at det vert oppretta underutval som tek i vare denne oppgåva i samband med kontrollteljinga. For at arbeidsmengda og tidsbruk for medlemane ikkje skal verta for stor vil ein rå til at det vert sett ned 3 arbeidsutval med 5 medlemmer frå fylkesvalstyret i kvart utval. Utvala møter kvar sin dag kontrollteljinga varer. Dersom kontrollteljinga ikkje er ferdig til fredag 13.september og opteljing må skje laurdag og sundag er det det arbeidsutvalet som skal ivareta oppgåva fredag som ivaretek oppgåva desse dagane.

Arbeidsutval som nemnd over bør få fullmakt til å førebu kontrollen med gjennomføringa av fylkestingsvalet, og ta stilling til enkeltsaker og spørsmål som kjem opp i samband med kontrollen. Opplysningar om praktiske forhold knytt til dette vil vera sendt arbeidsutvala sine medlemmer nærare valdagen.

Prosjektleder vil opplysa at ordninga med slike arbeidsutval ved kontrollteljing har vore praksis ved svært mange val i Hordaland fylkeskommune, og ein har god erfaring med at dette er ein ordning som har fungert godt.

Kort om gjennomføring av kontrollteljing.

Fylkeskommunen har inngått eit samarbeid med Bergen kommune bl.a. når det gjeld oppteljing av røystesetlar. Dette har vore slik for alle vala sidan valet i 2003. Tidlegare har Hordaland fylkeskommune og Bergen kommune og samarbeida når det gjeld sjølve valsysteemet som vart nytta. Ved stortingsvalet i 2013 vart dette endra i og med at det er utarbeidd eit sentralt valsysteem, EVA frå Kommunal – og regionaldepartementet som vert nytta for kontroll og valoppgjjer.

Røystesetlane vert talde maskinelt (skanna) og overført valsysteemet EVA som ivaretek opplysningane og registrerer det som er naudsynt for å føreta eit valoppgjjer. Systemet registrerer endringane på listene. Det vil seie at det blir registrert kor mange personrøyster den enkelte får og nummerrekkefølgja av kandidatane. Når det gjeld praktisk gjennomføring av kontrollteljinga vert den tekniske tenesta vedrørande bruk av maskiner/system/personale gjennomført i samarbeid med Bergen kommune, men slik at det skjer under fylkesvalstyret sitt oppsyn.

Etter vallova skal kommunane telje røystesetlane 2 gonger, først ei grovteljing (som i større kommunar skjer hos stemmestyra) og ei finteljing (endelig teljing), deretter skal fylkesvalstyret kontrolltelja fylkestingsvalet frå alle kommunane.

Kontrollteljinga og gjennomgangen av møtebøkene frå valstyra må skje når valoppgjjeret er kome inn frå kommunane. Dette regnar vi med å få inn onsdag. Alle røystesetlane frå kommunane skal teljast på nytt av fylkesvalstyret. Dette vil då skje onsdag, torsdag og fredag. Det er vanskeleg å anslå kor lang tid denne teljinga (skanninga) /kontrollen vil ta. Dersom ein ikkje vert ferdig med kontrollteljinga fredag må ein forsetja laurdag og sundag. Valstyra sine møtebøker frå kommunane må og kontrollerast. Kontroll og teljing vil gå føre seg i Bergen kommune sine lokaler.

Når kontrollteljing er ferdig kan valoppgjjeret ta til. I møteplanen er det lagt opp til at fylkesvalstyret 18. september føretek endeleg valoppgjjer. Administrasjonen vil då ha kort tid på seg til å få alle resultat og merknader/forklaringar inn i møteboka.

Opplegget som skissert over føreset at arbeidsutvalet kan vera til stades i Bergen kommune sine lokaler når møtebøkene frå valstyra skal gjennomgåast og røystesetlane teljast. Det bør rasjonaliserast slik at ikkje heile fylkesvalstyret blir bunde opp over fleire dagar. Det er difor lagt opp til 15 av medlemene i fylkesvalstyret vert delt i tre arbeidsutval slik at det i utgangspunktet er fem medlemmer til stades under teljingane. Minimum må det vera tre kvar dag. Dette for at ein skal vera vedtaksfør.

Medlemene i den enkelte arbeidsutvala må vera til stades i Bergen kommune sine lokaler den dagen dei er sett opp. Dersom det er naudsynt for nokon å endre på den dagen ein er føreslått sett opp, må ei eventuell endring ordnast mellom medlemene og partigruppene sjølve, slik at endringane er klare før handsaming av saka tek til.

Tilbakemelding om endringar må meldast til Anita Fjellheim, fylkessekretariatet (tlf.: 55 23 90 15 eller e-post: folkevalde@hfk.no) innan tirsdag 27.08.

Det er fylkesvalstyret som skal godkjenne forkasta røystesetlar og røystegjevingar, på lik line med resten av valoppgjjeret. Systemet som direktoratet har er lagt opp slik at dei forkasta røystesetlane må godkjennast før valoppgjjeret kan produserast. Samtidig er det ikkje moglegheit for å gjere endringar på dei forkasta røystesetlane etter at dei er godkjent.

Røystesetlar vert føreslått forkasta jf. Vallova § 10-3 dersom dei:

- Ikkje har offentleg stempel
- Det ikkje er klart kva val røystesetelen gjeld
- Det ikkje er klart kva parti eller gruppe veljaren har stemt på
- Partiet eller gruppa ikkje stillar liste i fylket.

Vilkår er kumulative, det vil seie at alle vilkåra må vere oppfylte for at røystesetelen kan godkjennast. Vedlagt saka er retningsliner som er under utvikling for å sjå til at vilkår over vert heldt og at ein ikkje føreslår å forkaste røystesetlar som skal godkjennast. Retningslinene vert utarbeida i samarbeid med Bergen kommune.

Ei oversikt over dei forkasta røystesetlane for kvar kommune kjem fram i valoppgjeret som det samla fylkesvalstyret skal godkjenna. Dei forkasta røystesetlane vert fordelt på kva vilkår som ikkje var oppfylt jamfør vallova § 10-3.

Prøving av dei forkasta røystesetlane bør gjerast fortløpande for å få ein effektiv prosess og sjå til at valoppgjeret vert klart så snart som mogleg. For å unngå at valoppgjeret vert utsett vert det anbefalt at prosjektleiar får delegert mynde til å ta avgjersler ved prøving av røystesetlar i alle sakar som er kurante og at prosjektleiar kan delegere mynde vidare. Det vil seie alle saker som er klart innanfor dei fire vilkåra over. Dette har vore praksis ved tidlegare val. Erfaring visar at det er få røystesetlar der ei avgjerd ikkje kan takast på bakgrunn av dei 4 grunnane over.

Kommunelova § 23 nr.4 gir «*kommunalt folkevalgt organ mulighet til å gi administrasjonssjefen myndighet til å treffe vedtak i enkeltsaker eller typer av saker som ikke er av prinsipiell betydning, hvis kommunestyret ikke har bestemt annet*». Kommuneloven opererer med omgrepa «*enkeltsaker og saker som ikke er av prinsipiell betydning*». Avgjerder i desse typar saker kan delegerast til administrasjonssjefen dvs. prosjektleiar i Vestland fylkeskommune. Dette omfattar saker som vert prega av lite skjønn, og er avgrensa til røystesetlar som kan godkjennast eller openbart forkastast jamfør vallova § 10-3. Avgjerder som ikkje er kurante skal leggest føre arbeidsutvalet til handsaming.